

կարգի, և նոքա եղեն ուրախ ոչ սակաւ, և Ե ժամուն որ ի Զ-ն մտանէր՝ շարական ասացին և Հոգոց հանգուցելոց, եւ Վարդապետն ելեալ գնաց ի Սուրբ Աստուածածին, եւ այլ ի բարեկամաց եւ յերուսաղէմացոց գնացին, և մեք նստաք այժմ այլ ևս Դ ժամ, եւ ելաւ եպիսկոպոսն եւ Ղազարն գնացին ի տեղիս իւրեանց զհետ արանց ոմանց, եւ զկնի նոցա գնալուն՝ եկեալ նստան փռան տղայքն վերակացուք դործոյն սպասուորքն՝ մինչև ի յետինքն, մի մի շարական ասել Տէրտէրին ննջեցելոց նոցա. եւ յորժամ եղեւ՝ ել և գնաց Տէրտէրն և արք ոմանք ընդ նմա, և մեր սակաւ ես կացեալ անդ՝ ելաք եւ եկաք ընդ Մղտեսուն և ընդ Մալղօջին՝ փեսային հօրքուորին իմոյ՝ ի Սուրբ Նիկողոս, եւ անդ զժամն արարեալ եւ ելաք ի տուն գնացաք: Օրս մեր Մղտեսուն խօնչայ են բերեր ի Ղալաթու սանահօրէն իւրեանց՝ թէ տղայ է եղեր Սէմէրճու տղի Կիրակոսին: Օրս Շապան ամիս կոչիւր ըստ բառի Տածկաց:

Ուրբաթ (16 Մայիս) առաւօտուս Վարդապետն ի Ղալաթայ գնաց: և Շաբաթ (17 Մայիս) առաւօտուս եկաւ ի Սուրբ Նիկողոս: Ի դէպ յետնուցս եկաւ զափուտանն: Եւ երեկոյիս ի ժամ գնացի ի Սուրբ Նիկողոս եւ եղիազար վարդապետն դաս ասաց զբան Իմաստնոյն Սողոմոնի, եւ յետ դասին¹⁾ ծանոյց ժողովրդեանն զվաղջանիլ Ռստագէս վարդապետին եւ ուղորմիս ասել տաւ, և ել ի դասէն և Ամբիծք ասին և արձակեցաք. և յետ ժամուն գնացի ի Մղտոնցն և անտի ի տուն:

Շաբաթի օրիս (17 Մայիս) ընդ զափուտանին եկն եւ Մուստաֆայ²⁾ փաշան՝ դարձեալ ի Պօղազէն, զի գնացեալ էր ի Միսիր և ոչ կարացեալ անցանել զՊօ-

1) դաս.

2) Մուստահայ.